

宋朝大詔令集

宋朝大詔令集卷第十五

皇太后三

謚議

明憲皇太后謚議

建隆二年六月乙卯

臣聞謚所以知行號所以表功功大者播之無窮德厚者傳之不朽  
惟詩人之咏木王化之基姜嫄發后稷之祥太姒興武王之業祖宗  
之慶今古相沿恭惟大行皇太后沙麓備靈塗山孕粹恢張陰教表  
正人倫化行而九族惟和法正而六宮承式事光彤史美溢椒塗母  
儀方耀于庶邦像馭遽聞于厭世祿衣禴翟即成原廟之遊屬輅龍  
輶將耕朝陵之寢墓期定謚斯曰舊章謹按謚法照臨四方曰明聖  
善周達曰憲請上尊謚曰明憲皇太后詔曰恭依典禮

元德皇太后謚議

咸平元年正月己巳

恭惟皇太后沙麓儲祥河洲襲慶早服母師之訓茂揚邦媛之風言  
德具修圖箴是憲爰被春秋之選克彰衆服之宜志在進賢恩均逮  
下版浣濯而崇檢誥珩璜而慎儀協贊威藩表正惟壹兆殊祥于申  
甲揚淑問于塗山慶奉天飛降疏封邑主帝闡之陰教載女史之徽  
猷奄忽不傳光儀永謝皇上由震宮而毓德升皇極以繼戎祇荷慶  
靈永懷碩復孝思罔極典冊備陳稽文母之功早參于十胤遵帝嚳  
之制夙正于四妃爰加長樂之稱以報昊天之德易名斯在節惠可  
稽謹按謚法茂德王稱曰元忠和淳淑曰德詩上尊謚曰元德皇太  
后

莊獻明肅皇太后謚議

臣聞生被大名者德之盛歿膺大謚者行之高碩善惡之敢私在古  
今而難廢若乃帝母之節惠也議之于官府考之于朝廷審之于用

寶讀之于寢廟上之于梓宮藏之于金匱勒休垂世不亦重乎恭惟  
大行皇太后宅心靜專敦厚敏惠被遇先帝正位中宮左右陳圖史  
之言春秋奉蘋藻之事豈惟內正于闕則抑亦外形于國風歷歲滋  
深流聞曷已及乎膺道揚之終命申燕翼之遠謀佑嗣皇交修一  
德爰臨禁殿共對適臣諮詢賢能講求機務仁澤布洽而百物遂熙  
烈昭施而三靈懷于是奉將嘉日日謀太室于以申述養于以謝成  
功皇帝荷恩慈之極深恭一孝之日邁曰展成于大祀常再薦于徽  
稱震挺紀辰會朝講事未嘗不躬陪秘幄祇率群臣祝萬壽以稱觴  
奏九韶之備樂茲誠盡天下之養極人道之尊至于問疾宮闈偏嘗  
藥石夜不遑寢晝不解衣卑恩育于多方走禮視于群望方倚陔而  
竭力遽陟屹以纓哀乃命有司制舊典隆致喪之盛禮上表行之尊  
名謹按謚法履正志和曰莊聰明睿智曰獻無幽不察曰明威德克

就曰肅伏請上尊諡曰莊獻明肅皇太后

莊懿皇太后諡議

伏以至恩大德欲報罔極時則有追冊之命鴻名顯號欲傳無窮時則有諡諡之典故爰申而天下勤事順而後王法念親恩孝屬可後乎伏惟進尊皇太后早事先帝久奉內治躬履勤儉之度天資慈仁之性發殊祥于吉夢毓嗣聖于昌辰自玉几興言龍輶戒御往奉園寢迄還宮闈顧禮節而莫逾貴遠履而弗競方列四妃之位未正三宮之名忽遭沉病遽弃紫養帷幌盡飾既安殯于近原陵域載營將祔遷于新兆皇帝結寒泉之永慕輝彤管之遺音爰命選臣俾論卽惠謹按諡法履正志和曰莊溫恭聖善曰懿皇太后伏請上尊諡曰莊懿皇太后

莊惠皇太后諡議

名以賓青謚以考行古今之通義也矧極天子之孝致四海之春旌  
慈仁之烈答愛育之德不亦義之大乎伏惟保慶皇太后柔順含章  
淑明成裕繫赤衆之遐胄流大如之徽音維儉約之是敦維謙祇之  
是履寬而 下勅必待中外族無假借之私公室主恩勤之意自家  
形國表裏肅然在昔永定登真寶符託之重大明繼照每懷爾復  
之恩皇帝爰自繼承早從依怙是用追長樂之往制揭保慶之尊名  
親倚之隆皇情斯厚方且怡神黃老比壽松喬弗慮弗圖光靈倏閔  
回心逆遠有惻于上心考行易名式揚于坤範謹按謚法維德端嚴  
曰莊慈惠遠識曰忠伏請上尊謚曰莊惠皇太后

欽慈皇后謚議

三朝

宰臣韓忠彥率群臣請追尊皇太后謚號于太廟議曰臣忝以奉先  
追遠天子盡于事親表行易名聖人何以加孝仰稽成憲俯酌群言

玉闈清芬永貽後世臣謹拜手稽首昧死上獻臣聞道與世而升降  
禮制情而節文自周之興始行紀謚之法逮漢而降乃有追冊之儀  
歷代莫不共由先王未之或改載簡編而弗泯計郊廟以無愆孝子  
慈孫豈貴三牲之養豐功盛德永冀萬斗之觀于皇治朝順考舊典  
撫隆平之休運懷碩復之深恩戴閭閻表式欽承于先訓爰崇顯號  
庸昭示于至公以詒無窮以垂不朽洪惟神考克紹寶圖有虞舜之  
風以釐二女有文王之化以刑四方修明閭儀登進邦媛是生聖子  
東應昌辰伏惟皇太后令質粹和懿姿淑茂恭儉成于所性柔嘉得  
于自然動容周旋默中珩璜之即夙夜儆戒肆觀國史之規贊隆教  
于紫庭藹芳聲于彤管尊敬阿保之訓被服澣濯之衣緝女工而不  
違化婦道以無數雖穆而敷逮下之惠信順以體資生之仁彤夢日  
之嘉祥協祠祿之終吉允昌國祚誕育聖躬貽社稷無疆之休慰華

夷胥侯之望永裕之仙遊忽遠儀坤之正位未隆丹歲整以密移駒  
通隙而難駐天長地久結遺恨以何窮日往月來想徽音而莫覩皇  
帝結膺駿命嗣守慶基極孺慕以奚從感色養而弗及念之不見彌  
深陟此之哀維以永傷史甚茹荼之苦臣敬遵故事紀遺芳而傳史  
牒洎穀旦以告廟祧臣謹按謚法威儀志備曰欽敬事節用曰欽一  
心均愛曰慈能以仁教曰慈皇太后體該衆美性蘊先知名之可言  
乃其身繫德之所被無以形容永對天地之休敬承祖宗之命恭上  
尊謚曰欽慈皇后禮畢列名奏上之奉勅恭依

謚冊

元德皇太后謚冊

維咸平三年歲次庚子三月戊寅朔二十日丁酉孝子嗣皇帝臣某  
伏以孝莫大乎顯親德莫厚于追遠生有懿範未正于尊稱殞有徽



章式光于幽壤易名考行斯為舊典仰承鞠育之重永懷霜露之嘆  
敢叙周極以明孝思恭惟皇太后德合先朝功存內治肅穆以奉上  
閑和以逮下玕璫中節車服有儀循法度以飭躬勵慈儉以垂訓輔  
佐之美流詠乎聲詩婉淑之譽傳芳于國史音容早謝日月云邁高  
祿之祀餘慶發祥長樂之宮慈顏永隔寔是眇質紹隆寶圖居萬乘  
之尊有四海之富而叨勞莫報茹慕增感嗚呼為天下母弗能享三  
牲之膳為天下君弗能奉一日之懷風樹不止悠悠彼蒼而況竟母  
之門巍然空在儀坤之廟闕而未立是用申明詔下有司務依故實  
式展情禮分謂后妃之制簡牘具存以于貴者春秋之明文如皇太  
者秦漢之故事所且按周公之謚旌文母之賢遠詢仲子考宮之儀  
近取照成祔葬之禮玉衣象服備物如式几原可作保斯印綬百代  
不刊永光載藉謹遣攝太尉門下侍郎兼兵部尚書平章事張齊賢

奉玉冊玉寶上尊謚曰元德皇太后伏惟神靈降格廣益典禮上配  
聖考在天照臨保佑冲人享國長久廟貌熙寧世世勿絕嗚呼哀哉

明德皇太后謚冊

維景德元年歲次甲辰八月癸丑朔十二日乙丑孝子嗣皇帝臣某  
謹再拜稽首上言伏以奉先追遠人子之大猷考行易名格言之義  
訓仰懷顧復之重英伸孺慕之心恩極尊稱以光懿範恭惟大行皇  
太后堊山協慶沙麓儲祥配乾居尊儼日垂照而自佐佑先帝雍容  
內朝周旋合于聲詩造次循于法度母儀萬物二紀于茲九族用親  
六宮是式猥以冲昧祇荷采祝蚤奉寶圖繼體宸極橋山送往常積  
于孝思長樂問安方榮于色養每尊清淨之教敢忘黃老之言痛聖  
善之長違念風樹以增感昊天罔極速日有期爰命有司時咨故實  
節以一惠式揚盛烈今禋祫將秘龜筮同寅典禮具存明靈如在是

用定議宗廟告謚凡延謹達攝太尉吏部侍郎平章事畢士安奉冊  
實上尊謚曰明德皇太后伏惟神鑒昭格體致至公配聖考以在天  
享鴻名于永世勝休簡用茂揚耿光億萬斯年無裕無極謹言

莊獻明肅皇太后謚冊

維明道二年歲次癸酉九月癸亥朔八日庚午哀子嗣皇帝臣某伏  
以致孝之本莫大于顯親敦化之才莫先于追遠矧荷明辟之重刑  
四海之風迥非鞠養之仁永懷鞠哀之感不誅大行何以昭衆德下  
鍾顯采何以信後來恭惟大行皇太后沙麓開祥塗山鍾粹本靜專  
以法地體柔明而配天動運珎珎之儀言合圖史之訓以任妣之德  
助治于同家以陰陽之順翼隆于漢室而自受遺先帝稱制從冢保  
佑菲躬尊臨天寓風披被乎璽額仁澤及乎昆蟲九廟展祠六宮永  
式焦勞一紀覆育萬方闡殿問安遙供于孝養椒塗淪景奄邁于內

艱躬衛戒期至靈協吉用舉追崇之禮式申碩復之恩爰詔有司仰  
刺容典乃鋪景鑠載颺淑聲祇薦大名以應丕則謹遣攝太尉具官  
張士遜奉冊寶上尊諡曰莊獻明肅皇太后伏惟尊靈降格膺茲典  
禮幽贊丕祇對越鴻休廟祐熙寧永永無極

莊懿皇太后諡冊

維明道二年歲次癸酉九月癸亥朔十三日乙亥孝子嗣皇帝臣某  
伏以奉先追遠本孝治之萬終述行表功示禮章之繁後故生未貳  
其位則歿有尊其稱仰惟慈覆之重早興孺慕之感念報罔極式嚴  
追禮恭惟皇太后軒星儲景層沙證期儼軌先朝協華椒掖行與道  
合位以德升動脩珥珮之音居服係阿之訓外履質約袿裳無文中  
存禮閑玩好不飾蘭儀玉度六列以為表模椒問輝章四教于是頒  
略天隆其祐神表惟祉戴誕孫蒙屬當統業積善有報垂祐無疆一

紀于教四方用乂方期碩復永奉恩嚴豈謂景命靡融忽賓賓極愆  
愆蒼昊誠難堪况夫君臨四海母托萬邦而歡嘉未伸音旨俄隔  
劬勞永感終天焉窮所難薦號閭宮厝神淨界禮分未稱心焉如推  
今固寢告成龜繇協吉時宰庶尹儒宗禮官考儀組圖探烈彤史咸  
以謂紀謚之法實自宗周追榮之典蓋本炎漢改稽往典虞易大名  
護遺攝太尉具官張士遜奉實冊上尊謚曰莊懿皇太后伏惟明靈  
如在鴻典是膺上從聖真隆佑皇序祔饗清廟與邦家無窮

莊惠皇后謚冊

維景祐四年歲次丁丑正月甲戌朔十七日庚寅孝子嗣皇帝日某  
言伏以敦仁厚愛撫育之恩深尊位大名推崇之禮備緬思慈已之  
重追述累行之卽垂之徽冊表乎公議恭惟保慶皇太后河汾遺育  
岷蜀遙源早翊贊于先帝常參聽于內治時修蘋藻之事動鑒歲圓

之誠簡狄佐譽象應四星女英嬪虞道存二典被文考之末命增皇  
太之尊稱擁衛眇躬紹承丕祚陰教既洽孝享是承協恭母儀謁款  
世室副禋重翟服御以光璋璫玉璽裸薦有序克成從獻之義用達  
追養之心逮夫專侍瑤齊遂受琮璣避巨名之尊奉辭歲計之供須  
舉謫紫闥音播彤史當錫神社以均邦祚而昊穹不吊凶咎奄鍾荷  
顧復之恩每懷欲報致踊衷之痛永感不忘函下詔書成告中外禁  
聲樂加服紀所以申哀素也陳龍輶飾鳳輶所以嚴備物也祔山兆  
升閔宮所以建陵廟也訂寶謚勒金冊所以昭德號也有司定論庶  
尹同辭皆謂嚴正齊恭之誠慈哲寬裕之範積貴于既往流芳于將  
來誰曰不然斯為允矣謹遣攝太尉右僕射兼門下侍郎同中書門  
下平章事呂夷簡奉冊寶上尊謚曰莊惠皇太后伏惟慶靈垂鑒蕃  
數是膺歸安仙園數佐皇極歆歲時之常祀婉宗社而長存

欽慈皇后謚冊文

維建中靖國元年歲次辛巳三月壬戌朔二十二日癸未孝子嗣皇帝臣某謹稽首再拜言曰臣聞慎終追遠前聖之格言立愛惟親先王之猷訓維末小子未堪多難悼菲質之靡依痛慈顏之永隔有懷顧復冒劬勞欲申終慕之情必盡欽崇之禮是諏穀旦敬上尊名恭惟追尊皇太后體道思齊含章履正柔嘉播乎德範溫惠本乎天資中環珮之節動儀乎紫庭奉圖史之規美溢乎彤管輔佐先帝誕生沖人爰自潛藩入續大統天地神祇罔不祇協社稷宗廟咸以康寧推原虔靈自我聖母而上壽未究淑命弗融奄指盛時浸閱華歲園寢在望音徽如存不待承東朝之類不及享四海之養昊天罔極空勤報德之誠春露既濡深結愴心之感願久稽于位號竚未慊于誠懷屬慈德之上庠形于遺命惟章懿之故事具在有司是用鏤玉

牒之鴻休鋪椒塗之懿鑠韋嚴昭薦式慰孝思方將啓在浚之靈宮  
祔維嵩之吉宅日先其遠龜告厥猶復徒繁興功緒丕作始因山而  
戒且終復土以有期伏衛肅其前驅蕭韶淒以徐引念之不見往寧  
體于皇堂愾然有聞旋升神于清祐于是羣工庶尹博士諸儒考協  
前古之遺文討論一代之成憲咸以謂謚者所以述行號者所以表  
功義有受成名無浮實節惠之法厥惟舊式其祇率于彝章用褒嘉  
于徽稱謹遣攝太尉左光祿大夫尚書左僕射兼門下侍郎臣韓  
忠彥奉玉冊玉寶上尊謚曰欽慈皇后伏惟昭鑒在上膺茲鉅典永  
錫祚裔垂裕家邦於萬斯年配天無疆嗚呼哀哉

欽成皇太后謚冊

維崇寧元年歲次戊午某月朔某日甲子皇帝臣某謹再拜稽首曰  
夫謚者行之述號者功之表厯稽前代厥有成憲蓋生而飛英聲騰



茂實既有以聞于一時歿而施尊名隆徽稱又將以詔于萬世況先  
朝淑哲奄息大故方慎終追遠惻怛震悼異寵異章賸輝煥爰命  
有司若稽往制約以節惠庶幾形容于萬一也恭惟追尊皇太后柔  
嘉靖正體仁毓和昔在神考聰明睿智勵精庶政教化雍穆德行陶  
漬闡維之風行家人之道正當是時皇太后贊熙內治協相淑闡寤  
寐思服夙夜警戒輔佐憂勤受祉上帝衍慶茲斯爲生哲宗塗山簡  
狄丕耀並麗元豐之末裕陵上賓宣仁垂簾當是時皇太后婦職允  
修皇姑是尊崇慶慈德朝夕祇順承顏問安孝恭匪懈擁佑天下之  
主有鞠育顧復之恩而不矜其功雖三亞坤元之位有與服儀衛之  
寵而不自挾其貴謙沖靜默得於誠性終始全粹無有間言紹聖之  
初哲廟親政發煥膚斷起廢興壞丕變治功憲度典章復還熙寧元  
豐之盛是時皇太后助紹隆之志有啓迪贊道之益陰功隱德人所

不知休烈盛美豈有不可待而名言者矣謂宜熾福祿昌壽考以長  
享兩宮之養而為四海之所矜式遐齡未究淑命弗融固山有期龜  
筮既吉茲用博訪于卿士受成于祖宗秉行易名以惟典議當神靈  
之心而詒不朽之傳謹遣攝太尉某官奉用寶箴曰欽成皇太后光  
靈如存淑問不息膺茲鉅典懋昭厥德對越清廟永無紀極嗚呼哀  
哉

宋朝大詔令集卷第十五

宋朝大詔令集卷第十六

皇太后四

哀冊

明憲皇太后哀冊

維建隆二年歲次辛酉六月癸巳朔二日甲午大行皇太后崩于大內之寢殿旋殯于海德殿之西階粵乾德二年甲子歲四月九日遷祔于永安陵禮也玉座塵飛銅壺漏咽儼龍輶而將御顧總悼而已撒九仙哀慕以收聲咽焉悲鳴而仰秣旌旌悠揚茹蕭愁絕金鑪再藝芳香為灰玉卮三奠芳淚成血哀子嗣皇帝片某痛地維之絕紐歎月魄之渝光方荷變宋之慶咸期享國之長昊天不弔叩也無疆從蒼梧之曠野開將漣之畫堂送殊御之列侍儼萬靈而在旁順大鈞之委化貫一氣之無方惟令名之不朽垂億兆之彌光其詞曰堯

爲唐侯保姓垂祧晉主夏盟因封易氏堂堂杜伯我祖之始貽厥無  
窮中脩不墜漢晉后族唐梁相門事藏汗闡慶流裔謀天贊興運地  
發洪源續我皇考垂裕後昆法媿內以禪克因塗山而啓夏顧厯數  
之在躬念今名之無假慕黃老之意儉道崇遠而繼任似之謨猷孰  
爲難者毋儀是則王道勃興奉慈顏而不老獻壽酒以如澠溥天就  
養任土成徵矣大年之不永疑陰隙以難憑駭積壤之告圻鬱繁陰  
而弗開矣軒星之遽隕隨逝水以無回寃號萬乘震蕩九垓鉤弋奇  
兮分是不是甘泉魂兮來不來嗚呼背採珠之遠水而檢王之崇山睇  
斜陽于邛郍鎖宿霧于艤艤宰樹蕭蕭兮成列拉烏翩翩兮自還漆  
燈有焰十載碧照海無波萬古寒嗚呼哀哉翟翠在御精爽何之留  
彤管之遺訓來白雲而不歸會化石之啓母妨鼓瑟之湘妃粧臺新  
粧菱花缺蠶館葉濃戴勝飛嗚呼哀哉內令罷書元宮永闕七廟几

延西朝國史 玉衣既掩九原之烟霄 漢涼金輅徐還一代之榮  
華已矣嗚呼哀哉

元德皇太后哀冊 咸平三年三月丁酉

翟輅宵陳難人曉唱靈庭潔乎祖載脩路儼乎仙仗九重天室以如  
慕六宮日遠而增哀孝子嗣皇帝運昌繼體孝極同心荷寶圖之惟  
永懷慈訓之下臨考先達兮協兆志慎終兮感深乃詔近侍恭播徽  
音其詞曰皇家積慶昊穹奉命構象膺乾來賓偶聖高陽命扶唐卿  
得姓冰別韓魏門傳英偉事彰接於黃雲效祉五可風彰六行純備  
粵自藝祖揖讓登皇帝尹京邑衣則四方后治閨壺柔順含章流虹  
感粹夢日延祥燕山誕啓肇氏生昌爰洎神宗承平御厯汾晉益定  
閩吳未格海外輝威域中漬澤輔佐邦治溫惠迪登進時賢勸勞  
軫惻躬享紫壇本詞清廟撞撞協恭鉉繼書妙勅循典曰式是準純

后玩圖史明于廢興聰獻周敏顧問允膺勵清門儉敦素履環珮  
有節藝珥防侈邇流忠辭封播美賢以興化世仰餘輝仁則多壽  
天胡有違黃祇降載皓魄沉輝皇子勝衣受封祚土漢邸承徽姬宗  
夾輔維寧攸賴問安莫覩元良肇建萬國以清地啓蒼靈天臨玉京  
克廣丕構長德善成德無疆兮坤元業有開兮聖嗣承天道兮慶其  
長啓帝緒兮昌而熾壽觴稱慶兮養美伸貽澤增盛兮恩靡真嗚呼  
哀哉禮祿衣兮有奉貴玉璽兮是膺廟如在兮肅肅祭以時兮蒸蒸  
帝母尊兮斯至昊天之感兮難勝嗚呼哀哉洞啓山園風淒雲歎企  
穀林之封域拂嵩邱之烟霧石闕沉沉兮夜臺柏城慘慘兮朝露嗚  
呼哀哉稽任姒之壹政冠周台之國風唯重熙之錫義與三代而比  
隆播彤管兮有煒佑皇祚兮無窮嗚呼哀哉

明德皇太后哀冊  
京師元年九月

素衛宵陳祖獻躬撒繡幌洞啓龍輅高獻瞻神御之特移痛旌宮之  
永訣哀子嗣皇帝天孝攸資兩泣經悲承慈顏而不反念仙駕以難  
追徽音如在懿範長垂爰詔下臣奉揚芳規其詞曰神宗繼統肇宇  
為尊內朝正位契德柔坤河洲令德闕閤清門彤管有輝蘭芳玉溫  
仙李遐宵日華凝秀逮下仁深載物恩厚化被六宮言孚九有仁聖  
之姿壽率之甘月吐黃芒人施玉衣所珮有節諱褫以歸治泌必循  
禮睦無違正名宮闈率禮嫡妃輔佐先帝先姑內則長樂后尊大鍊  
無飾陰教始于公宮歲歲成彤于邦國何卜世之方隆而降年之有極  
嗚呼哀哉日往月來春教冬索故歲方暮惟疾初作上感宸襟正期  
勿藥寒沍外侵風竄內薄寒霰陰凝軒星夜落嗚呼哀哉感皇悲催  
國族悽愴草木變衰人靈沮喪椒風詎可以少留蕙路徒增于依望  
嗚呼哀哉王靈獻兆吉日惟良金根風駕神馭攸攸長背都闈之凝寢

流挽唱之悲涼歎九虞之顛潔享六建之悲嘗歎輝凡兮無効嘆玉  
釜之靈芳嗚呼哀哉紫輅返兮神駕收椒殿寂兮松闌秋昔比帝子  
之望舜兮如文母之興周結遺愛而山積宣惠問而川流惟博史之  
紀德亘億載而揚休嗚呼哀哉

莊獻明肅皇太后哀冊

維明道二年歲次癸酉三月甲午朔莊獻明肅皇太后崩于寶慈殿  
四月癸卯旋殯于皇儀殿之西階粍十月丁酉遷座于永定陵禮也  
椒闈月曉蕙路霜連啓殯塋于祕殿殿羽衛于通遠哀子嗣皇帝臣  
諱痛慈覆之長陽悲遠日之有期山開松楸兆協著龜徒瞻象物未  
駐龍輅從先后之不返邈上賓以何之爰發宸詔下及台司俾道揚  
于梓治庶光熙于母儀詞曰太上立德建用皇極惟天所輔順帝之  
則其次立功迨皇化崇享壽品彙昭合鴻蒙其次立言徽懿是宣有



教無類非文不傳思齊有慈作合先帝總是三者以經萬世自昔來  
儀鍾夫卓異捫霄協夢儼乾有粹占契麓祥擾龍凝系玉度沉潛蘭  
儀靜懋十亂同符三辰允契內功聖考洽成至治斗極交歡天封輯  
瑞六合車書一同文軌軒鼎既升緇衣在辰願惟冲眇以託慈仁乃  
御坤元乃助乾健不揚景命順迪皇憲游精道藝棲志神廟希夷自  
得壽考惟寧寔探古記遠鑒前經心該治亂道應神靈數序天枝英  
隆宋室碩侍無二寵嘉咸秩善春士類勩求峻奇弓桂相踵巖穴無  
遺屏去雕文敷尚樸素織就親濯衣是御仁慈賦意惻愍姑懷抱  
德行惠救忘分災歲痛蠲釋民隱矜哀宏開壽域茂建春臺方隅闡  
澤遠邁齊東珠璋之行竹帛難紀著在鴻臺書之彤史嗚呼哀哉積  
焦勞之操兮歷炎涼以無殤懃挹霞之罔驗兮惆徂景之難留發緒  
言之不跌兮眷惟辟之垂休嗚呼哀哉龍輜風駕兮道遠超忽原車

宵載兮直城右出分圭翼兮張徘徊列地恍兮滄溟霏霏楚挽兮凄  
飈風素旗兮慘慄嗚呼哀哉周原拱木兮岑鬱蕭條經皇帝寢兮幽  
巖沈寥脂澤生塵兮寶奩亦暗巾箱遺履兮仙鳳其遠體魄即安兮  
協儀葉用神明升濟兮御辨曾霄嗚呼哀哉德業光大兮信編  
紀聖恩腴普博兮群倫訓定保我黎元兮順時立政佑我皇  
圖兮祈天永命生者懿範兮九圍胥詠致存徽謚兮千齡愈永嗚  
呼哀哉

莊懿皇太后哀冊

維明道二年歲次癸酉四月丙申朔六日辛丑追上真宗宸妃李氏  
尊號曰莊懿皇太后粵十月癸巳朔初五日丁酉遷座祔于永定陵  
之次禮也燎火餘燄星華啓明森靈衛以宿設儼仙輶而欲行風物  
淒其變采鐸挽唱以流聲哀于嗣皇帝臣某痛隔慈顏欽揚卹典感

効勞于欲報竭誠信于先達乃命執事紀垂芳猷琢之金玉代彼旂  
旒詞曰南閣紫氣柱史族貴軒轅黃龍次妃位崇含德之厚是稱氣  
母配天之尊乃件坤元祚發竹書運膺赤伏三葉重輝九圖率服王  
化所先壹政維穆修明陰教登進才淑倬哉邦媛允矣儒門日日啓  
緒積善昌源稱詩率禮有德有言如松之茂如玉之溫託業椒塗陪  
游瀛綰象服斯皇女功載績勤日日謙聞辭輦位映紫庭榮揚彤  
管繼明昭晉隋趾雲長業開持禹慶協生商夢日興貴祠祿感祥貳  
震載風宜君宜王黃離日日金輪增強帝所無還湘川不從銅臺總  
帷先日是奉安車赤綬策禮加重懷恩永慕君約彌沖攀慈宴于長  
樂戒外親于濯龍仁則宜壽明胡帝容奄嬰六疾未建三宮邈求藥  
兮溟津閭杳登真兮雲漢重嗚呼東成閭忽不進矣涼甫換剛健龍  
中成光寔斷躬孽維細緬思聖善克母門兮歸獨存身毒登兮猶可

見嗚呼哀哉宗章極孝情文先申尊名茂行厥諫斯陳殯宮載闕園  
法收遵變黃衣孝祚聖對玉璽孝思親嗚呼哀哉鮮偶之陰將開陵  
兆夷則之奏幸嚴日廟迢遠孝慎終揚名孝繼孝嗚呼哀哉駒歷莫  
駐牲膳誰羞樹欲靜而風不止露既零孝歲云秋覽池閣以心瘁閱  
厄區而涕流嗚呼哀哉東背浚郊西瞻翠樹黯黯色孝凝陰浩洛坡  
兮奔注黃崗聳孝長班台銀海深孝潛壙炬矧可度孝几虞空復還  
兮五輅嗚呼哀哉蕭蕭松柏蕭蕭几筵闕葦珩而夷體陪孝劒以陪  
仙慟極宸宸哀深昊天內盡志孝禹若如事生孝優然嗚呼哀哉柔  
明之風始資內治顛復之愛終光聖嗣含飴之樂雖違享德之靈愈  
熾伊淑範與懿聲永奉傳于金匱嗚呼哀哉

莊惠太后哀冊

維景祐三年歲次丙子十一月乙亥朔四日戊寅保慶皇太后上僊

旋殯于皇儀殿之西階有司奏謚曰莊惠粵明年二月己酉遷座祔  
于永定陵禮也雕輜風戒祖奠宵陳列銘旌于廣陌儼伏衛于清晨  
孝子嗣皇帝臣緯感慕日淚哀懷天至禮有數而載如物無容而下  
備悼逮卜之過臨痛慈賴之永閔爰詔詞臣奉揚遺懿辭曰姬周之  
胄發祥憑厚綿緒蕃昌慶基遠茂瑤魄凝輝珠經炳有昔在光朝助  
宣內治靜順柔明溫恭詰惠四星耀極位列其次六宮脩職在論其  
事率禮毋違秉心罔訛登進賢才憂勤寤寐協和邦族敦厚人倫均  
思逮下節用先身練贈示儉椒蘭播芬休瑞膺期多歡在旦陪從周  
旋侍奉間燕左右圖史朝夕規誅鼎湖升駕玉几遺言付託尤重儀  
服斯尊橋山送往清廟薦馨烝烝展孝翼翼告虔洪惟聖皇實資保  
育克愛克慈是顧是復顯號推崇徽章渥躋爰作寶命乃受琮玉光  
靈如在德範彌隆勞謙降志沖約處躬辟嚴入之奉辭外戚之封味

金僊之妙典探老氏之淵宗方怡神于壽域俄嬰釁于璇宮嗚呼哀哉天乎難諶高不可問生也有期同歸于盡迫真馭于九清促千齡于一瞬嗚呼哀哉中宸慘愴禁掖淒涼總惟掩兮盡聞攢敗虛兮夜長殯媛何依兮鑑奩空在祥禴弗御兮厥秘深藏瞻黼筵兮流塵曷晦荆陵園兮拱木相望嗚呼哀哉通策告猷龍輜進轍服馬悲鳴繁籥怨咽背曾闕之浮雲睇西郊之落月閼逝波兮不復回恨終天兮從此訣嗚呼哀哉陰泉秘森森柏城上無光兮縈白日下無象兮潛萬靈想神游兮莫測惟體魄兮長寧享閼宮之嚴祀兮昭謚用之大名同皇基之永固兮倬厚載以難傾嗚呼哀哉

欽聖憲肅皇后哀冊文

建中靖國元年歲次辛巳正月壬戌朔十三日甲戌大行皇太后崩于濟德殿二月壬辰朔十一日壬寅殯于西階以三月壬戌朔八日

己巳戒百官請命于太廟謚曰欽聖憲肅皇后太史策之將以五月  
辛酉朔六日丙寅遷座于永祐陵禮也哀于嗣皇帝極永感之懷寓  
無窮之慕躬薦泂酌奉寧姑馭痛三牲之養思至于遠莫悲萬壽之  
祝俄成于晡露聲效如在聲容不返畢銅火之餘滴動金商之清挽  
暑令息其成淒薰風颯其變慘像故既嚴物儀其有惟是用書用傳  
不朽宮臣承詔式虔事守紀美寓哀貽之永久其詞曰我宋隆康恩  
漸動植惟遠暨邇生成漸息起走賢智脩官懋職遐及四裔左袵重  
譯維相向公梁昭宗拓建女曾孫口家瑞國蚤歸玉璫旋被褫翟至  
性溫溫今儀翼翼道意禮學生知自德慶耆宿慈問安昕夕孰養寒  
暑端莊不易內輔神宗贊助陪益凡厥見聞徐為所迪十有九年晏  
架椒掖萬邦託慈六宮仰式約省外氏湯沐脂澤敬恭西竺旃檀簪  
荀斯世不平陰與多緒化懿夏商望山簡狄姜嫄大妣聯袂並紹元

符日記歲執徐直正月己卯變同制書巍巍哲宗武威文德夫何弗  
祐忽遭寇害上祀考廟將次大策于時邪臣或蔽邪慝輒進異論欲  
倒白黑賴我聖母沉潛剛克折之陞前氣殫語塞庭巖厚梁門屯矛  
戟龍德利見人蒙慶懌一指顧間長寧社稷譬如娥皇神工妙力鍊  
石補天斷鼇立柱沖融宇宙混漾滌滌靡賢下登靡亮不釋臣書侍  
對興闈訓飭曰我皇帝聖材天錫于道勅茲政事祇惕治本亂原講  
磨紬繹惠心溥博物理研覈帝堪多難予復明辟何俟補鑿始還禁  
閤幸濟初艱後同餘耆重下教告並就安達帝振以留懇款裝精數  
指弗回批翼卻藉義盡今茲事高往昔在漢馬鄧固多慙色其于邦  
民憂不離臆動履仁儉示先臺則服無珠璣器無瑤碧禁戒雕繪棄  
捐組織言祖經璫督該儒墨諸書通服綏微洞析兢兢懼殆忘寢  
食涼暄寂移疹氣侵蝕皇帝聖孝啓處在側藥膏刀圭術窮鐵石禮



襮山川猶期千億丹剡雖靈異昇終厄佛供畫昏喪殯夜亦祔象告  
山軒星示圻數圮坤元景淪望魄五十八載馳光度慄嗚呼哀哉梓  
匠奏工嬀娥罷飾帳殿先途瑤室撤席鶴士鼎鼎絳旌冉冉左背城  
關右徑阡陌驚綺趨趨絲車叩噫蕭瑟悲吟南籥哆赫萬類奪輝四  
氏聚戚御服苴麻皇情樂棘嗚呼哀哉霧雨故宮華苔舊城龍幌蕭  
森歎靡室寂輦路鏤奩孰非陳述引望山園涕濡竹柏惟有徽音長  
留寶用嗚呼哀哉

欽慈皇后哀冊

維建中靖國元年歲次辛巳三月壬戌朔二十二日癸未上神宗皇  
帝妃陳氏尊諡曰欽慈皇后粵五月辛丑朔六日丙寅遷座于永裕  
陵之次禮也茲道以啓告奠載撤羽衛警而有行焉輅隱其將發孝  
子嗣皇家臣某永慕徽音恭率禮典瞻黼筵以踊慟奉靈輿而躬遣

乃培邇臣敬揚聖善其詞曰維陳降氏實生堯母有媯之後維舜之  
胄陳之啓封裔始于周繇漢厯唐或相或侯逮我有宋世遠彌盛族  
出京兆為時顯姓皇國有赫益光矣正開維成化曹沙協慶乃鍾淑  
哲爰際神聖女功是績婦職是聽樂修四教懋崇六行齊戒從臾左  
右流存儀若蘭郁度如玉瑩逮下惟仁奉上惟敬兩宮隆愛九御擇  
美女謁無私彤管有煒妙彰筆札戒視圖史克厚人倫以受帝祉日  
符表運履敏庭祥超任邈如翼夏生商亘民亘人為君為王爰萬斯  
慶于邦有光音在元豐帝齡見夢撫神鼎以號絕睇鳳臺而茹痛橋  
山忽其已遠惜蒼梧之未從怡兮永懷窈兮至靜桂裳無飭珠藏全  
屏樂施不修好謙日東憂勤克念夙夜猶繁月望未幾華頊斯頊蓋  
與世以皆昌胡卑年而不永嗚呼哀哉鉤陳動色陰靈墮輝林有風  
而不止露在草而先晞昊天不弔慈顏早違有屋其卑有絃其折旒

繼魂絳翟緇衣銜總悔未幽堂閨扉望國郊其未遠空故庭兮下  
歸嗚呼哀哉時龍天飛離明玉麗祇遙遺訓皇隆前制乃正坤樞允  
尊皇姚瑞琮陳苒重翟在庭玉琢有罔寶上尊名金範有璽寶奉至  
祭文備邦禮哀貫皇情以萬國之貴而聿追于後以四海之養而不  
逮其生嗚呼哀哉靈歟雲構神闕山立來與親謁狀竿躬執衣黃悅  
見淚俎紛入二儀感而風悲千官侍而雨泣靈之下兮既饗游將歸  
兮陵邑嗚呼哀哉吉月兮辰良蒿露兮維露龜兆兮吉遷輿龍兮莫  
駐鳴笳迎咽杜旆列注背吹臺以右轉越翠岡而西去盛夏祖兮不  
復春晨不復兮夜臺路嗚呼哀哉仰烈考兮在天邇從之兮洛川洛  
川兮斯塋松栢兮有阡九虞靖兮其返神顏哉兮來還原既安兮不  
寡詐後之人兮萬年嗚呼哀哉

熙寧元年歲次壬午某月朔某日甲子追上神宗皇帝妃朱氏尊  
諡曰欽成皇太后粵某月甲子朔某日甲子遷座于永裕陵之次禮  
也雖輟夙戒奠俎方微慘哀茹于廣陌引素仗于明發皇帝陛下孝  
治克隆恩禮斯洽屬羽衛之有行念徽音之永絕妻命侍臣茂揚懿  
烈其辭曰維我有宋繼天立極王化之基自家刑國於皇神考百度  
脩飭元豐之功下土是式妙選六宮升進淑德靜恭柔懿私謁不行  
夙夜警戒協謀相成履武發祥纂繼丕緒奕奕西宮是燕是處慈仁  
克儉宜壽而臧胡不永年忽云淪亡嗚呼哀哉春陵初載恭默不言  
左右保覆惠和且溫逮及親政載新紹述贊助之勤一心密勿遐想  
音容空餘髣髴嗚呼哀哉厥初遺孺覲其有瘳稟祐禱祠靡神不周  
訪泰誓之殆遍肆愛育以寬憂愴隙駒之易轉驚逝水以難留嗚呼  
哀哉永懷父兄屬以大統聖心孝思報稱攸重稽章惠之舊儀詔議

臣而折中正位號之尊榮稱典彝而增重琢寶儀兮環竒綾金匣兮  
錯綜鳴呼哀哉惟卜惟吉揆時既良仙馭杳去銘旌載揚背浚郊之  
輿壤係洛土之崇崗陵寢盤兮空曲珍木茂兮鬱蒼流殿苔兮素月  
隕墮柏兮嚴霜閔珠襦兮寶筭零雨涕兮宮墻石門兮深扃漆炬兮  
永夕雲輶駕兮弗還總帷空兮常寂嗚呼哀哉有形兮必終有散兮  
斯盡生能享天下之奉兮無違竣以歸裕陵之厚兮何恨雖千百兮  
斯年終不審兮不墮嗚呼哀哉

### 山陵

皇太后園陵稱山陵詔建中靖國

恭以大行皇太后逮事英祖輔佐神考保佑先帝遭國變故首建大  
策援立朕躬艱難之初暫同聽斷日月未幾遽欲復辟朕固請不獲  
勉徇慈旨退處宸闈游心道妙謙尊鮮儼沖靜自居惟功隆德鉅福

被天下永言圖報未知所從今遺命陵號乃重有貶損曷以仰酬慈德以慰塞中外之望乎可詔有司易園陵曰山陵餘恭依遺誥施行

宋朝大詔今集卷十六

宋朝大詔令集卷第十七

皇太妃

尊立

尊太妃制 元豐八年三月庚子

朕蒙休先帝錫羨我家欽聞憑几之音付昇承祧之託眷言邦媛久侍宸闈俾序進于寵名敢忽忘于太卜德妃朱氏發祥慶系協德後庭祇順兩宮不違于盟饋時循四德居念于保阿甯生沖人獲紹正統申隆懿號用契舊章謹加號曰皇太妃其合行典禮令有司具典故以聞

禮儀

太后令褒崇皇太妃詔 元祐三年七月癸丑

勅中書門下皇帝嗣位于茲四年華夷來同天地並應而皇太妃以

恭儉之德鞠育之恩雖典罔以時奉行而情文疑有未稱皇帝以祖考之奉尊無二上而吾唯春秋之義母以子貴其推天下之養以慰人子之心宜下禮部太常寺討論如于典故有裨崇未盡事令開具以聞故茲詔亦想宜知悉

今禮部太常寺禮官參詳皇太妃儀制詔

紹聖元年二月戊辰

昨朕親奉皇太后聖諭皇太妃保育之德著于中外雖已備極崇奉而儀節之間猶有未稱蓋舊儀雖全比皇后而宮闈與蓋之制及出入所由宜有所加苟于本朝祖宗以來母后之制有所差降則褒隆之數可施行矣朕躬承玉音惓惓慈訓其下禮部太常寺禮官參考典禮儀制及臣僚上踐拜名命婦進見等儀式聞奏

進命

追尊皇太妃制元符三年正月十四日



門下聖人之德無以加于孝天子之貴亦必有所尊朕遭家多艱紹  
國大統恭念所生之重永懷追遠之情故貴儀陳氏德範載于公宮  
徽猷著于天下輔佐先帝警戒憂勤誕育冲人劬勞碩復稽諸典禮  
詢于師古有親親之恩有貴貴之義念之不見感春露之既濡齒率  
舊章報昊天之恩極宜進號皇太妃

### 太后

復元祐皇后制 元符二年五月丁丑

門下朕紹休列聖承訓東朝施惠行仁既誕乎于有衆念今追遠用  
○○于我家○○○○頃自黜門嬪于王室得罪先帝還處道宮遠  
茲○○克庸祇德皇太后念仙遊之遠遠撫前事以興○○深矜  
示不終廢申崇位序還復宮庭乃詔輔臣其○○○雖元符建號已  
正位于中宮而永泰上賓固無嫌于○○后於戲原情起義蓋示親親

之恩尅已慎身宜成婦婦之道其率循于懿範以上答于深仁往服  
茂恩永膺多福可復為元祐皇后

加崇元符皇后詔崇寧元年八月辛酉

朕躬念哲宗皇帝以聖德嗣有基業推至仁無私之心乃以神器屬  
于冲人而元符皇后實受遺訓故定策之際欵深皇太后深所付託  
永惟繼體承祧之重敢忘追往事居之情垂簾之初姦臣輒議廢黜  
其事未及褒顯近上章表敘述大功朕思所報允其陳請供酒等事  
已降指揮其出入儀衛等當議加崇以昭前人之德而稱朕有恭之  
意內屬樞密院事關送照會施行

元符皇后進號太后賜名崇恩宮詔

崇寧二年  
二月甲寅

朕入繼大統獲承至尊永惟哲宗皇帝不克與子而元符皇后實與  
定策排之恩義夙夜靡忘故鄧王已進贈為皇太子母以子貴于古

有稽而禮以義起惟事之稱宜崇位號以慰在天之靈稱朕友恭敦報之意可進號太后除依禮部所定加崇儀制外其儀衛人數及請俸奏薦恩澤等並依昨欽聖憲肅皇后元符三年體例施行餘依皇后禮制施行其宮賜名崇恩之宮

元符皇后劉氏進號太后制

崇寧二年二月七日

門下朕獲承至尊嗣有令緒顧我烈考寔能配天念茲哲宗弗克與予遂揚日命肆及眇躬載惟付託之大恩實有諮謀之初議日頒顯冊播告治朝元符皇后劉氏端壹誠莊柔明懿日謹鳴玉佩日日廣友瑟流符之仁天下從風則有化家邦之道禁中日日則有安社稷之功宜極褒崇以章報稱尚循近比乃日日時適憲府之建言伴曲臺之論定蓋以弟及之義實日其兄母貴之同亦繫其子既用命已加于獻慈則典章當視于慈徽用斟酌于情大爰進升于位號備

進御物崇建宮庭以盡友恭之心以明絕述之志於戲禮由義起率  
回事以制宜名與功昭斯顯庸而揆實惟德尊者物必備而施重者  
報亦隆其茂對于閔休以永綏于遐福可

再廢元祐皇后詔

崇寧元年十月甲戌

朕恭惟哲宗皇帝臨御天下十有六年休德顯功垂裕萬世竟以大  
統屈于眇躬夙夜欽承猶懼有闕而元祐皇后始嫁失德獲罪先朝  
退處道宮殆將累歲會逢變故政事紛更乃有姦言上動朝聽姑從  
並后之議庶用權時之宜雖申私恩已致公論今臺臣合奏引義固  
爭宰輔貪同抗章繼上咸以謂昨者復位違先帝之初詔又匪本朝  
之故常典禮有愼此則甄叙威靈在上其肯顧歆宗廟不可以從祀  
陵寢不可以配祔據今驗古皆所未安考實正名蓋非得已勉循前  
志良用撫然可依紹聖三年九月三十日詔旨其元符三年五月十

一日指揮更不施行所有其諸恩教悉如舊章仍加優厚以稱先帝始終待遇之意布告中外咸使聞知

孟氏賜希微元通知和妙靜仙師詔

政和七年四月十三日

朕循名考實據古驗今凡繫稱謂之嫌必協是非之正華日教主玉清妙靜仙師孟冲真頃自紹聖退居道宮恩教日優歲時滋久比攬有司之請尚仍教主之稱理實未安義當有易爰申加于懿號俾允迪于真風夫可言可行茲惟人治之大以靜以正庶幾衆美之從可加賜希微元通知和妙靜仙師故茲詔示想宜知悉

宋朝大詔令集卷第十七

宋朝大詔令集卷第十八

皇后上

尊立上

立琅邪郡夫人王氏為皇后制 建隆元年八月甲申

軒轅四星爰著正妃之象虞舜二女誕彰內治之功厚夫婦而敦國風體乾坤而修壺政茲朕所以叙人倫崇祀典也告于清廟乃降徽章咨爾琅邪郡夫人王氏襲慶公侯傳芳國史法相可以當人主勅儉可以率內朝贊成開國之基實賴宜家之慶羣衣未舉椒掖猶虛既倖大姒之賢宜改小君之號可立為皇后所司擇日備禮冊命

立隴西李氏為皇后制 雍熙元年十二月壬辰

王者祇膺寶圖奉若天命必在詳求淑哲所以翊宣風教姬周之盛本自姜任之列虞舜之聖亦資皇英之助蓋化行于內而隆教以孚

位正于中而人倫以叙始于宮闈逮于家邦前典具存敢忘脩舉隴  
西李氏秉嘉維則和順積中茂慶著于侯藩盛烈傳于勲閥清芳桂  
郁睿問川流明惠成于自然仁孝本于天賦頃自作嬪帝室毓德椒  
塗象服垂風允昭令則關雎播美已著樂章內治肅而九御有倫婦  
道著而六宮承式服阿休之箴誠知目下之勤勞固已績茂公泉道  
光彤管而造舟之禮未加于徽命厭翟之貴未正于中宮豈所謂昭  
德成訓胡世總統者乎宜考舊章煥茲綱禮法軒星而踐位配皇極  
以為尊可用為皇后有司擇日備禮冊命

立秦國夫人郭氏為皇后制 至道元年五月丁亥

王者法星軒之文正椒掖之號所以協宣陰教敦厚人倫故媿汭美  
嬪虞之賢望山光翼夏之德著之典訓形于家邦斯為大猷朕所祇  
尚秦國夫人郭氏生彼華胄歸于列藩婉嫕有儀柔嘉成性寅恭聲



奉上之禮慈仁符逮下之規景命維新純禧載集俾膺徽稱用叶舊章宜立為皇后

答羣臣乞立后詔 大中祥符五年十一月乙酉

中宮正位取法坤儀順天德以厚人倫率陰禮而脩內職乃瞻椒塗之列久虛象服之尊卿等位列秉樞義深同體旅陳封奏敷述舊聞以壹範之攸先蓋宗祏之斯奉形于懇惻備體公忠方擇善歆聿頌禮命所請宜允

立德妃劉氏為皇后制 大中祥符五年十二月丁亥

朕仰承嘉運嗣守鴻基思厚人倫聿崇王化眷惟中壺實有舊章宜得淑賢佐于憂勤爰敷明命誕告外庭德妃劉氏毓粹高門鍾英甲族載挺閑和之質茂昭婉孌之風覽圖史之格言早揚惠問躬組紉之懿績實顯令猷自升冠于掖庭頗貿更于歲月肅雝之美表率于

六宮敦睦之仁協和于九族事遵彤管北叶玉衣邦教聿隆賓則攸  
著長秋虛位宰府上言援據古今畧予褒擇於戲詩有思齊之詠易  
垂厚戴之文福祉攸滋邦家所賴肅膺典冊其懋戒哉可立為皇后  
擇日備禮册命

皇太后降立郭皇后手書

天聖二年七月庚子

皇帝仁孝天賦聲猷日新蒞政以來尚虛中臺吾晨夕思念躬親選  
日思得其人以贊內治贈中書令郭崇韜孫女衣冠令族汾晉名家  
積慶流光遂生賢淑信可以訓齊九御儀冠六宮正人倫之大端承  
宗廟之重事宜勲為皇后俟南郊禮畢降制

立郭皇后制

天聖二年十一月乙丑

門下古之有國家者體乾坤之象明教化之源必正人倫以齊天下  
委任之佐周道陰馬之隆漢風皆有茂規垂于方冊朕猥以涼德紹

膺丕祚允賴盈成之業敢忘勵翼之勤皇太后慈念素深誨勗斯至  
屏選門閥為求淑良得人果協于聖心班詔已聞于列位茲擇吉日  
乃降命書贈中書令郭崇韜孫女將相之家簪纓不絕漸仁義于宗  
黨播柔芳于閭閻遂生賢明式耀勲緒炳倪天之表爰出常倫謹佩  
玉之聲率由懿範益以勗日圖史言成矩模徽音鵲聞慎簡胥叶宜  
其於訓九列統齊六宮秉椒極之舊章陟軒星之正位於戲上承宗  
廟之重下契臣民之則夫性匪懈克廣令猷盡爾孝恭事于文母執  
饗膳以佐饒端縱筭而承顏守其靜方濟以純儉使四海之內九族  
之中仰禕翟之禮容識朝廷之婦傳豈不盛歟可立為皇后仍令所  
司擇日備禮冊命

立曹皇后制景祐元年九月十七日

門下王者握符御宇繼體守文保于萬邦方資于外輔率乎六列寮

賴于中闡是以塗山之興協禹功而彌遠有莘之娶贊湯祚以淑昌  
朕以受命昊穹居尊夷夏念長秋之盛位覽上宰之敷言且謂皇王  
之猷必端天地之本明闢維之風化美姦斯之衆多欲正邦基在求  
德閭是用詢于臺範敦此人倫誕告彤庭庸彰懿則贈尚書令配享  
太祖廟庭曹彬孫女生于鼎族教自公宮養乃祖之孫謀老元勳于  
廟祀慶流令淑望藹高華而性稟柔閑體含仁厚援圖史以自鑒節  
環珮而有容宜登金屋之榮用表玉衣之瑞棣綸無闕龜筮協從於  
數立后之規建國所繫上承宗祏之重內憑輔佐之勤思進賢材以  
昭陰教修紘紼而隆禮執圭璫而訓恭肅奉徽章欽惟永命可立為  
皇后仍令所司擇日備禮冊命

立高皇后制

嘉祐八年四月己亥

天子之有后如天之與地惠養萬物如日之與月照臨四方苟稱號

之弗崇則臣民之安仰京兆郡君高氏生開闢之後而不自矜大處  
富貴之習而能安素約頃在藩邸宜于室索肆朕養承嘉乃輔佐惟  
長樂之奉養左右不可不虔惟六合之表儀宸夕不可不肅爰正軒  
星之位以為國風之倡舉是典用告于治朝於戲邦敷丕基人倫茲  
重塗山啓夏太任興周勤勞一時焜耀萬世乃其懿筭櫛瓊日侍慈  
顏銜統絃綖時承宗祀庶幾天下之俗知我門中之私可立為皇后  
其合行典禮令有司檢詳典故以聞

立向皇后制治平四年二月乙酉

王者制治當天法陰陽而布風化自家形國正夫婦以携人倫惟長  
秋之冠六宮首內教而先萬萬朕祇膺顧命獲荷丕基一一與以教  
脩日禮經而必叙安國夫人向氏德教柔順道蒨賢和鍾相關以挺  
生積善祥而襲慶自居藩邸輔佐朕躬肅珩珮以無譁鑒國史而有

度厲繼承于寶祚用進陟于坤儀咨以無諧重于國體於威展昏春  
之大思謹奉于兩宮策盛日之倫必虔恭于七廟著雍睦為媚則尚  
節儉為民日日日獻助我善教可立為皇后命有司擇日冊命

太皇太后下詔禮官檢詳六禮著為成式納皇后元祐五年八月乙未

吾膺先帝之託惟宗廟之奉惕然常恐不逮以有愧于前聞古者必  
備內外之官以為邦國之助有嚴董正釐舉故常皇帝仁孝聰明自  
天收縱恭欽學問與日而新服衣若干尚虛中臺吾夙夕思念周咨  
博謀期于令德之家介比來嫡之祉以躬天下之陰教宜莫重焉顧  
在朝廷之禮文所當先者矧予良弼茲告謀猷同心之言行之罔怠  
其今大常禮官檢詳古今六禮沿革參考通禮典故具其即文著為  
成戒有司審當然後施行所以欽慎大昏為世之嗣咨爾宰輔體吾  
意焉

立孟后制 元祐七年四月己未

正家者義之先天下從而定矣大婚者禮之本聖王所以重焉朕繼體持盈脩身思永切字基圖之固敢娛宮室之安太母以萬世為心命虞宗事之重大臣以兩極陳義請建坤儀之尊謂王道之大所由興故人倫之始不可緩明揚德閭之懿簡在慈闈之公欽承溫詔之音俾正中宮之位載顯吉日敷告大廷故侍衛親軍馬軍都虞侯眉州防禦使贈太尉孟元孫女忠孝令門善慶奕世幽閑專靜諄聞和聲日睦惠慈雅應柔則天作之合文定厥祥人謀協從龜告日日是宜入聽內職輔宣外和式瞻祥翟之章上直軒龍之象嘉典大備並行古今之情文盛德有開增美國家之治理於戲惟恭儉為富貴之守惟憂勤為康樂之寶如開雉之進賢則可以基風化之成如膠木之速下利可以將福履之盛用久乃濟匪初其難勉爾欽修以法三

宋朝大詔令集卷十八

五

宮之端一相予顯祀以崇七廟之清明垂光紫庭襲馨彤管可立為  
皇后仍令所司擇日備禮冊命

宋朝大詔令集卷第十八



宋朝大詔令集卷第十九

皇后中

尊立下

荅宰相請建中宮詔 元符二年九月辛丑

省所上表中宮虛位歷載于此宜有建立叶修陰教伏望特于定省  
兩宮之暇祇稟慈訓登崇賢淑正位內治備舉典冊之盛俯慰中外  
之望事具悉后聽內治以風四方昔之盛王茂建賢德朕若古明訓  
慎于東求卿等職在秉鈞誠深體國以長秋之虛位援故實而有言  
當稟兩宮即頒禮命用承天祐俯慰群情所請宜允

立賢妃劉氏為皇后詔 元符二年九月丙午

朕以卿等上表請建中宮事稟于兩宮皆以為莫宜于賢妃劉氏柔  
明懿淑德冠後宮誕育元良為宗廟萬世之慶中宮將建非斯人其

誰可當所宜備舉典用以正位號恭依慈訓即頒禮命

立劉皇后制

元符二年九月七日

門下朕獲以菲質紹承寶圖歷觀王化之興莫非內德之茂惟時淑媛祇事掖庭挺生天材立我國本其消穀旦升冠長秋章婦道于家人示母儀于天下賢妃劉氏心容具善言德參和弓嫺祠謀蚤歆帝武之敏簞莞考室遂占噩夢之祥誕降元良來符其會屬中宮之虛位違軍府之有言以七廟祭祀必有以共承而宮奉養不可以無助朕躬稟慈訓欽聆玉音謂其有柔明之姿懿淑之德載育長嗣垂慶萬年諒非斯人誰可為后宜舉典冊之備以正位號之崇播告治朝是頒休命於戲虞舜之釐二女帝嚳之登四妃冠德後宮遠則貴人選建于永平之歲鍾英甲族近則德妃禮命祔符之年匪朕私恩之具慈故實尚協修于陰教其萬紀于壺彝憂若閨睢之進賢仁如樛

木之逮下成醴趾之信孚致茲斯之衆多燕及家邦永綏福祚可立  
為皇后

立王皇后制 元符三年二月九日

門下朕嗣守令緒若稽前人王假有家所以始基邦教天作之合所以纂成治功肆朕東求惟古時憲咨爾萬方之有衆聽予一人之告猷順國夫人王氏徽柔懿和溫恭慈惠曹自敷閑嬪于王藩夙夜在公克明其德朝夕匪懈淑慎其身茲入紹于基圖用申加于位號以承九廟之祀以形四方之風於戲古先哲王肇修人紀肇厥士女御于家邦惟克艱則罔有後艱惟克正則罔敢不正爾勵朕相予惟汝嘉朕其永孚于休爾亦並受其福慈為后矣其尚欽哉可立為皇后

立鄭皇后御筆

貴妃鄭氏柔明婉淑謙慎持身位極元妃德烈宮壺有進賢逮下之

志無險詖私謂之心越自縉承祗服內職夙夜匪懈嬪御式從屬長秋之久虛致大臣之懇請遠稽東漢近考祥符實古參今具存方策宜降位號以正坤儀可立為皇后

立鄭皇后制

大觀四年十月二日

門下朕承七聖之烈撫九有之師永惟正心而修身蓋將明內而齊外考閔睢之美冠四始以居先觀思齊之賢列正雅而為大伊欲美于風化必有御于家邦敷求懿德之良誕告治朝之聽貴妃鄭氏柔明婉淑謙慎持身位極元妃德冠宮壺有進賢速下之志無險詖私謂之心越自縉承祗服內職夙夜匪懈嬪御式從屬長秋之久虛致大臣之懇請遠稽東漢近考祥符實古參今具存典冊宜降位號以正坤儀於戲上以承宗廟社稷之靈下以慰群生華夷之望惟憂勤而罔怠則可以輔佐于壺彞惟警誠而弗忘則可以化成于婦道勉

隆其盛之德永底無窮之休可立為皇后

冊文

冊曹皇后文

維景祐元年歲次甲戌十一月丁亥朔三日己丑皇帝若曰天地定位陰陽相成人道貫之以綱大倫后德配之以熙內治聖人有以端其本也故造冊之迎言乎備詩人有以美其化也故周南之風著乎始粵朕冲昧祇若丕構深惟承荷之重輔佐攸艱用簡納賢明以叶于人神之望咨爾贈尚書令冀王配享太祖廟庭曹彬孫女惟乃祖克有武略勤勞王家保勲不伐榮享厥終慶流後昆薰然慈和吉祥憑積生此邦媛其漸清醇醲發聞馨香所從來遠矣起居閑習不待姆師之勗風容矩度自為宗黨之憲長秋曠位陰教未序咨求訓範純正六列宗公鼎臣誦言于朝願即嘉時聿申典禮朕以春秋之義

必娶大國摯峙之家乃樞福偶謀及秦筮聘以穀主惟吉之從有命  
既集今遣使工部尚書同中書門下平章事李迪副使戶部侍郎參  
知政事王隨持節冊命爾為皇后欽哉夫惟肅恭可以事上夫惟謙  
裕可以接下泰而能約則驕弗至動而慎思則悔弗萌懋及攸德修  
乃嬪職奉承宗廟儀形家國永綏無彊之祉不其禕歟

冊高皇后文

皇帝若曰惟坤儀承天以亨育萬物惟陰景配日以照臨四方惟后  
德佐王以化成天下蓋風乎遠者必始于近正乎國者先齊其家有  
華翼商塗山興夏舜以二女茂昭釐降之文周以大姒聿興大明之  
詠此有國之成憲古今之常道也可不慎焉朕猥當鴻業獲奉皇圖  
襲長樂之慈蔭粵求內助率迪故常咨爾高氏惟迪祖休有不烈顯  
于家邦敷昭前人慶浹後世眷乃淑哲雍和粹純貴而能去其驕動

而能約以禮早嬪藩邸肇正室儀肆朕續服輔予憂勤矧慈壽徽音  
方資善繼六宮懿範宜有榮師故群公卿士念繹舊典遂加綸翟之  
飾允正長秋之位誕告有衆既額外庭式契元龜協謀諏穀旦今遣具  
官曾公亮具官陳升之持節用命爾為皇后夫家人正內易所以顯  
于象中關雎進賢詩所以為之風始首惟其懋乃德迪厥善暢肅雍之  
化敦懿斯之義尚播美于彤史以垂光于萬世豈不懿歟

冊向皇后文

熙寧二年四月壬戌

皇帝若曰自昔有天下必擇建厥配以承宗廟以御家邦肆朕受命  
奉循前烈考慎典冊以祈協于神民咨爾向氏懿柔淑恭舊有顯聞  
肇功惟祖弼亮帝室流德之澤覃延後嗣是生碩媛比賢姜任越朕  
初載來嬪藩邸盟饋在中率禮無違以至嗣服祇承內事齊明夙夜  
罔有曠失宜崇位號表正宮庭今遣攝太尉具官吳公弼攝司徒王

安石持節冊命爾為皇后夫惟興王肇厥士女咸自內始達于四海  
朕克勤又用弗怠朕克儉又用弗奢朕克正又用無敢側頗僻爾勵  
相朕乃濟登茲於戲匪初惟艱惟慎厥終爾忱念茲朕以永享天祿  
爾亦預有無疆之禮豈不禕哉

冊孟皇后文 元祐七年五月丁酉

維元祐七年歲次壬申五月癸未朔十六日戊戌皇帝若曰天地剖合  
以綱人倫君后取則以御家邦自昔三代內德之茂二南風化之本  
治道所繫詩書述焉朕纂紹丕服上蒙太皇太后聖訓八年于茲而  
長秋未建中饋闕職厯詢舊門審定福耦慈衆惟允斯即其人咨爾  
侍衛親軍馬軍督都虞侯眉州防禦使贈太尉孟元孫女衣冠望族鄉  
曾華胄流光儲祉鍾粹碩媛有徽柔之質不侍姆師之誨有安正之  
之美宜配坤極之尊稽謀大同儀物惟稱今遣攝太尉蘇頌攝司徒



王嚴叟持節冊命爾為皇后。膺茲嘉禮，往踐宮朝。協宣陰教，母臨萬方。朕春秋時思，虔七廟之享。后惟衡紱，是將朕晨夕承顏。致三宮之養，后惟饗膳。是視朕卑服節儉，以躬率天下。后亦練繒，是式朕宴游。省耕以藉事，為本后亦種稯，是資於歲。皇天無親，惟德是永。黃畏饗福，異順正吉。嗣續百世，克終有慶。不其趯歟。

冊劉皇后文

維元符二年歲次己卯九月庚子朔二十七日丙寅，皇帝若曰：古之明王，天立厥配以贊助其行事。御于家邦，朕嗣有令緒，撫綏萬方。若稽大猷，慎所登建，以奉宗廟。非朕敢私圖，惟其人在帝所。右資爾賢妃劉氏懿柔淑哲，維德之行，自初叙御，率禮不越。震夙之慶，協于聲詩。乃生元子，誕受帝祉。立我國本，垂休無疆。朕率籲庶言，恭承慈訓。敷告在位，莫如爾賢神人。允諧命爾，予翼其膺典冊，正位宮庭。今遣

攝太尉金紫光祿大夫守尚書左僕射兼門下侍郎上柱國豫章郡  
開國公食邑七千一百戶實封三千二百戶章惇攝司徒右光祿大  
夫守中書侍郎上柱國長樂郡開國公食邑三百戶食實封六百戶  
許將指節冊命爾為皇后夫王化之美必自內始決于四海凡厥攸  
行罔不在初爾惟順故能上承兩宮化天下以婦道爾惟明故能迪  
朕夙夜無怠以懋爾德毗予一人永綏民天其申命於我家爾亦永  
膺多福豈不韙歟

冊王皇后文

皇帝若曰天相予祖宗茲歷世寧康朕既歲紹丕緒罔作麗觀底信  
內外惟法惟式新以正邦今左右弼臣禮儀正貳暨族老宗婦各處  
厥事成鋪繹舊聞明敷于位曰乾施坤承日照月儼四時不忒萬物  
用成盡稽則象詢考卜筮若時元吉正名錫服俾長首六宮以母天

下予惟國有故常是何敢弗率咨爾王氏乃祖忠勞王家書于太史  
子孫公侯出入藩服惟功澤逮茲是生碩媛淑嫕溫恭備有嘉德聘  
婦王邨入承事皇姑靡不若禮上元右序家發育元子虔在宗廟惠  
賚于四方乃以某年某月某日遣攝太尉具官某攝司徒具官某持  
節冊命爾為皇后賜爾皇后之寶方寸有半文螭螭紐授之玉冊厥  
簡五十命爾翟衣采褕博髻黼領大帶以朝暨歲時將祀于東西宮  
金輿朱蓋武賁呵衛步障行導是惟顯哉爾其克后職思后道履中  
體順茲日嚮多福集大祐于厥躬其尚欽助予治昭聞于無疆懋戒  
之哉

宋朝大詔令集卷第十九